



# HISTOR ADMIRABL DEMEUS AR BOUDEDEO ,

Pehini abaoue maro hor Zalver ne ranemet bale  
nôs hadeiz ac'hann da fin ar bed, abalamour  
d'an affronteri an devoa bet en andret hor  
Zalver Jesus-Christ, pehini, pa voa o vont  
d'ar maro, a falvezas dezàn disquiza var e  
stal, hac e teuas d'en rebut i evel eur scelerat.

---

Var ton : Güerz Santez Anna.

A SISTANTET enorabl, tostait da glêvet  
A Ar vuez pitoyapla a voe biscoas er bed ;  
An histor zo truezus demeus ar Boudedeo,  
A zo nôs-deiz o vale aboe hor Zalver maro.

Eus a dribu Nephtali, a guêr Jerusalem,  
Voa ganet Absarius, carguet a anathem ;  
Dont a ras var ar bed-mâ en amzer Herodes,  
A felveas massacri Jesus, Mab ar Verc'hez.

Vazad a voaeur c'halve, vamam qemenerez,  
Hac a laboure en Templ da ober broderes ;

Hava c'herent am desqas da lenn leor al lezen,  
Hac hini ar Brofetet iveau a dra certen.

Goude e voen demeet gant vac'herent an fin  
Da eur vreg fur ha prudant a dribu Benjamin,  
A bini'm boe tri buguel en amzer ma teuas  
Autrou Sant Yan Badezour d'anouç ar Messias.

Sant Yan a convertissas calzeus a bayanet  
Pere voa idolatret, caledet er pec'het :  
Dec mil den en eun deves en deveus badeet,  
Me, va greg, va bugale e voamp bet o velet.

Va greg a lavaras din : Va fried emezi,  
Leqomp en em vadezi, enont ê ar Messi ;  
Ha me o respont dez i gant un ear direspet :  
Na ni nac hor bugale ne vimp qet badeet.

Aben eun nebeut goude S. Yan voe dibennet  
Dreuz'roue Herodes, eunden cruel meurbet,  
Ha ma teuas hor Zalver evit rën en e blaç ;  
Hac a ras dre ar c'hanton calz a viraclou bras.

Clêvet e meus bet Jesus alies o sermon,  
Hep ne meus bet profitet eus e bredisication ;  
Va-unan e voan presant p'en d'oa rassaziet  
Dec mil den gant pemp bara ha goudeze pesqet.

Me Boudedeo maleürus avelasc'hoassoudan  
Jesus o ressuscita Lazar, breur Madalen,  
Ha güelet dibossed i calz a dud possedet,  
Hasivoas din pec'her bras ne meus tam profitet.

Aben eun nebeut goude voe Jesus qemeret  
Gant calz eus a judevien er jardin Olivet,  
Ha condaonet gant Pilat da rancout dazouguen  
Ar groas ponner ha mezus evit ar bec'herien.

Pavoe argroasachuet, hor Zalver voe samet,  
Da vont da venez Galvar da vea crucifiet:  
O velet andud o redec, me guemer va buguel,  
Ha me mont da dal an nôr pa yê én da vervel.

Cetu Jesus o tremen neuze abiou va zi,  
Pehini en tal va stal a deu da reposi,  
Ha me lavarat deân gant eur gomz arrogant :  
Qê alesse eus va stal, te zo eun den mechant,

Ganes òn dizenoret gant da iffronteri,  
Pa quielan o reposi amàn e tal va zi :  
Qerz alesse, den ingrat, cos sorcer milliguet,  
Qerz alesse d'ar maro, pa c'heus he meritet.

Jesus a respondas dîn ganteurvoeztruezus :  
Mont a rân da bartia, den fall, den maleürus.  
Me reposo gant va Zad, te valeo bepret  
Drebêvar c'horn ar bed-mâac'handa fin ar bed.

Ia, te a valeo ac'han d'ar jujamant,  
Hacer c'hoste deo d'am Zad am velo suramant  
O varni ar bec'herien pere vo condaonet  
Da vont d'ar flamou gries, ar re just d'ar joaüstet.

Pa glêvis comzou Jesus, va c'halon voe toucheit,  
Ha me rîi va bugale en instant d'am pried.

Zo qerteohacorfun den sur ma vent muzuret,  
Oldeveus d'an nebeuta daou-uguent troatad het.

Er spaç demeus a gant vloas ez òn bet o vale,  
Ha me êruout adare em brô hac em c'ontre :  
Allas ! maro voa va greg coulz ha va bugale,  
Ha den ebeteus va brô certen n'am anavee.

Neuze e teuis da Rom, ebars en Itali,  
En amzer-ze e voa calz eus a c'hlac'h ar enni ;  
Güelet'ris merzeria nombr bras a gristenien ,  
En defot ne renoncent d'o feiz ha d'o lezen.

Me a vale var ar môr coulz ha var an douar,  
Ha me partial neuze evit ar Franç, brô rar !  
E Marseill, Bourdel, Paris, Niort, Naonet, Lyon;  
Ac'hane da Vreiz-Izel, d'arguær vrao a Roazon.

Güelet e meus Montroulez ne voa nemet eur c'hood,  
Hagüelet Brest ha Qemperebars en douar prat,  
Ha güelet ar guær a ls en e frosperite ,  
Hac ar guær a Lexovi a meus güelet ive.

Güelet e meus Breiz-Izel en coad ha menezion,  
Ma zoat evel sovajet neuze ebars er vrô ;  
Me a vel calz a guæriou er vrô-se batisset,  
A ra calz a chenchaint abaoue ma zòn bet.

Me vel ar guær a Roazon eur guær gaer batisset,  
Dol, Güenet ha Sant-Malo, Dinan hac an Naonet,  
Sant-Brieuc ha Landreguer, Lanion, Montroulez,  
Castel-Pol ha Lesneven ha Landerne ives.

Ar c'hæriou ze meus güelet e coad hac e prajou  
Padeuis d'ober va beach qenta e bars er vrô;  
Cetu batisset Qemper, ha Brest ha Recouvranc,  
Qemperle, Moelan, Kerahesebars en assuran

Ansin, pa òn condaonet gant Doue da vale,  
Me zo bet en em gavet e creiz meur a arme ;  
Canoliou ha fusuliou, clezeyou, sabrennou,  
Netra ne dê bet capabl da rîi din ar maro.

Bet òn ebars en listri a zo bet perisset,  
Hacian dud a voa enne a meus güelet beuzet,  
Ha me hanvet Boudedeo n'em bije drouc ebet:  
Comzou Doue a râncou beo accomplisset.

- Condabnet e zòn gant à da chom van an douar ;  
Comprendit oll christenien, emâ zo din glac'har !  
Va zourmanchou er bed-mâ biqen na êchuo  
Qen a deui Doue da varn ar beo hac ar maro.

Ar som eus a bemp goennec zo em godel bepret,  
James gant nep seurt clenvet mene dòn attaquet  
Bet òn ebars en broyou elec'h m'oa ar vocen,  
Hep nazeus staguet ouzinn na clenvet na canqen

Va boutou na va dillat james na uzont qet,  
Dre bermission Doue a meus bet offancet ;  
Peder güech e meus redet pêvar horn ar bed-mâ,  
Ha güelet e meus ive calz chenchamant ennâ.

Bremâ e zòn comancet da redec ar bempet,  
Hep nedòn ambarasset gant dibri na couqet ;

Güelet a meus bet broyou zo bet oll revinet,  
Ha calz demeus a guæriou gant ar gurun dêvet.

Ne meus qet calz amzer evitchom da barlant  
Me a gred e mava zreid vargore glaou ardant.  
Nan, ne zeus nemet Doue a elfe disclêria  
Ar boaniou bras a souffrân qerqent ma reposâ.

Pebes maleur ê din-me bea bet rebutet  
Demeus a guichen vastal Jesus Salver ar bed  
Pa vœa ovont d'armaro, da zont da zisquiza,  
Ha me neuze dre valeur a zeuas d'e zispriza.

Emâ ê armaleur bras a meus var ar bed-mâ !  
Emòn atao o vale ouspen trivac'h cant vla,  
Ha c'hoaser anqân bale ac'han da fin ar bed :  
Pedit Doue evidòn, ma zin d'ar joaüstet.

FIN.